

訓導 一員

遼海衛 領所九經歷  
鎮撫四各一

指揮 二十員 千戶 十九員 百戶 五十五員

鎮撫 二員 經歷 一員

鐵嶺衛 領所七經歷  
鎮撫司儒學各一

指揮 二十八員 千戶 二十六員 百戶 六十四員

鎮撫 一員 經歷 一員 教授 一員

訓導 一員

瀋陽中衛 領所七經歷  
鎮撫司儒學各一

指揮 三十二員 千戶 二十一員 百戶 五十七員

鎮撫 一員 經歷 一員 教授 一員

訓導 一員

廣寧衛 領所五經歷  
鎮撫司儒學各一

指揮 三十七員 千戶 二十二員 百戶 四十五員

鎮撫 四員 經歷 一員 教授 一員

訓導 一員

廣寧左衛 領所四經歷  
鎮撫司各一

指揮 三十五員 千戶 二十員 百戶 五十一員

鎮撫 五員 經歷 一員

廣寧右衛 領所三經歷  
鎮撫司各一

指揮 二十三員 千戶 十五員 百戶 三十六員

鎮撫 一員 經歷 一員

廣寧中衛 領所四經歷 鎮撫司各一

指揮 二十七員 千戶 十四員 百戶 三十一員

鎮撫 二員 經歷 一員

義州衛 領所四經歷 鎮撫司儒學各一

指揮 二十七員 千戶 十五員 百戶 六十二員

鎮撫 五員 經歷 一員 教授 一員

訓導 一員

廣寧後屯衛 領所五經歷 鎮撫司各一

指揮 一十六員 千戶 一十六員 百戶 一十六員

鎮撫 一員 經歷 一員

廣寧左屯衛 領所六經歷 鎮撫司儒學各一

指揮 二十三員 千戶 一十三員 百戶 二十八員

鎮撫 四員 經歷 一員 教授 訓導 各一

廣寧中屯衛 領所六經歷 鎮撫司各一

指揮 一十四員 千戶 一十七員 百戶 六十員

鎮撫 三員 經歷 一員

廣寧右屯衛 領所五經歷 鎮撫司各一

指揮 九員 千戶 一十四員 百戶 二十八員

鎮撫 一員

經歷 一員

廣寧前屯衛

領所七經歷鎮撫司儒學各一

指揮 一十九員

千戶

二十七員

百戶

五十員

鎮撫 三員

經歷 一員

一員

教授

訓導各一員

寧遠衛

領所七經歷鎮撫司儒學各一

指揮

二十四員

千戶

二十五員

百戶

五十七員

鎮撫 七員

經歷 一員

一員

教授

一員

訓導 一員

金州衛

領所五經歷鎮撫司儒學各一

指揮

二十三員

千戶

二十七員

百戶

五十三員

鎮撫 二員

經歷 一員

一員

教授

一員

訓導 一員

復州衛

領所四經歷鎮撫司儒學各一

指揮

十九員

千戶

二十七員

百戶

三十七員

鎮撫 二員

經歷 一員

一員

教授

一員

訓導 一員

盖州衛

領所四經歷鎮撫司儒學各一

指揮

二十八員

千戶

二十二員

百戶

七十四員

鎮撫 四員

經歷 一員

一員

教授

一員

訓導 一員

海州衛

領所五經歷鎮撫司儒學各一

指揮

二十七員

千戶

二十四員

百戶

四十員

鎮撫

二員

經歷

一員

教授

一員

訓導

一員

效祖曰我

朝自正統遂罷郡邑悉列衛所以都司總之猶夫置大寧意也然聞鎮帥多常閭人面郊接閭儼然與部使相頡頏非便也然則易地設官可行於文而獨不可行於武哉或又曰必用常閭人乃習地險諳人情如今李都護累建鼎彝之勲何論其與部

使便不便也余曰必如李都護則於朝廷便於部使亦便

臺灣國家圖書館, NATIONAL CENTRAL LIBRARY, TAIWAN, R.O.C.

四鎮三關誌卷之八  
終

臺灣國家圖書館, NATIONAL CENTRAL LIBRARY, TAIWAN, R.O.C.

四鎮三關誌

拾

臺灣國家圖書館, NATIONAL CENTRAL LIBRARY, TAIWAN. R.O.C.



四鎮三關誌卷之九

才賢考

四鎮才賢總論

效祖曰夫天生才賢將以為車曠寄也而

國家連屬之治尤摠六服而掩七戎焉然官無論崇卑秩無論文武要以其往踐之猷生平究竟何似乃可得什一於千百爾矧邊陲之業設虞尤難而稔寇殉耻者肩相摩也嗟嗟難矣今取諸事功之大者為勲勞其次宜莫如謀勇而節義又次之紀始終之變也作才賢考



薊鎮才賢

勲勞

中山徐武寧王達鳳陽人

太祖舉義旗平定天下洪武元年命為大將軍取元都

既收河北諸郡平深趙出臨清取德滄至直沽獲

舟濟師偏將軍常忠武王遇春張都督興祖率舟

師並進步騎遵陸而前元丞相也速等守海口望

風奔潰遂克河西務入通州元君北遁八月至元

都齊華門填壕登城執其監國宗室并太尉左丞

相等官戮之封府庫圖籍立燕山六衛守禦北平

經畧趙伐入山西所過擇守要害謂諸將曰擴廓

帖木兒出大原道保安經居庸攻北平孫都督總

六衛兵足鎮禦我乘其不備直傾其巢彼進不得

戰退無所依所謂批亢擣虛也彼夫利必成擒矣

總兵北征沙漠還師命鎮燕經畧邊關規畫建立

居庸內外城池沿邊輯守惟密其他元功炳諸青

國立中央圖書館, TAIWAN. R.O.C.



開平常忠武王遇春

懷遠人初歸

太祖乞前部先鋒自効所向無不披靡克收全功三年副武寧王定燕取元都北伐經畧居庸沿邊金幣皆二公之壯猷也

胡貴

遵化衛鎮撫洪武三十五年遼東兵變四出為亂圍遵化城四十餘日公方畧周悉拒守不下乃去邑人全活皆公之功後歷官都督僉事

鄆國薛忠武公祿

山東膠州人起行伍靖難功封陽武侯永樂十一年從

成祖

北伐與虜戰大松嶺斬獲功多上遣鴻臚卿即軍中勞賞與世券贈祿五百石宣德二年從

宣宗

巡邊出會州敗虜塞下留鎮薊永虜不敢近邊復掛鎮朔大將軍印移鎮開平破虜功進太保尋疾作召還卒贈鄆國公謚忠武

懷遠伯山襄毅公雲

初以指揮佐都御史王彰繕塞自居庸至山海修輯周密

勝胼勞績又從成祖出塞北伐有功陞都督僉事宣德初又克征蠻將

軍功進都督同知卒贈懷遠伯謚襄毅

毛勝

其先約人勝以父陞本朝宣德中陞都指揮使正統以來累平賊寇歷陞左都督鎮守邊方進封南寧伯卒賜葬祭

鄒來學

湖廣麻城縣人正統十四年以右僉都御史提督薊鎮軍務巡撫順天紫荆倒馬時

北虜內侵京師震恐邊關騷繹公謹斥候嚴烽燧軍需限光屯兵各擄要害虜莫敢犯民用安堵繕

官峯董家羅文界嶺劉家一片石等關城池軍民分屯耕守足食邊鎮富強保障之功一時推重

李銘

山東鄒平縣人起行間成化十四年以都督

風嘗短裊輕騎巡督邊工崇塞垣增戰臺設外以限虜馬率軍民墾荒自賦農隙令其樵採用多謀行陣有紀遇敵不輕動按機制勝未嘗有失一時膺闕外之寄者多推轂之

馬永 未平遷安縣人世金吾左衛指揮使公讀左

公勘平有功陞都指揮同知時江彬練兵西內公

在部無何移疾彬強之竟不出以故彬敗得無坐

人謂公明哲保身云十年守備遵化明年虜犯塞

入馬蘭峪殺叅將陳乾以公代又明年虜犯塞戰

柘崖再戰白羊峪俱捷中首虜以百計論功陞署

都督僉事總兵守薊駐三屯營尋陞署都督同知

揀練士卒老弱聽其耕市取庸給諸健兒二者各

思自効當時惟漁陽一鎮稱雄武廟巡邊至喜

峯口欲出塞公扣馬諫不可上注視久之顧內侍

曰此馬水耳咲而止采頰首把兒孫結諸虜邀賞

不得轉入塞公出鏡師迎擊洪山口敗之斬獲六

十級論功陞右都督嘉靖三年把兒孫入青山口

塞公斬其驍酋遁去四年大同軍亂殺都御史朝

議安撫公上疏力言不可他日九邊効尤唐室藩

鎮可鑑遂命公提兵討賊俄以流言中止五年上

疏乞宥諸議大禮獲罪臣工又言陸完有平賊功

宜贖罪錄其子上怒禡總兵任寄錄留都督督

府十二年大同軍復亂殺總兵久討未平廷臣薦

公召至已撫安命還雷都十四年遼東軍亂遂

御史復召公總遼東兵十七年虜入塞率銳士五

千人擣虜巢焚其輜重天捷十八年遼軍復亂捕

斬四十餘人始定陞左都督尋卒于遼遼人為之

罷市愧歸漁陽漁陽人皆洒泣兩鎮皆祠祀之○

效祖曰今之論將者謂都城多綺紈之習不能荷

戈以向邊不為過然觀馬公未擢勳遼薊至今人

尸祝之即先後仗鉞者莫敢與爭儻彼豈非都人

士乎何其迥出品流若是也余以為天之生才不

限方隅不繫世類京邑翼翼四方所視即毋論馬

秦無人亦不可謂

李緋 河南固始人由進士正德間以戶部郎中督

武廟巡薊度支浩繁公悉力經畫未嘗告乏民亦無擾

嘗斥其餘俸以資編蓬之士士多德之

孟春 山西澤州人任嚴州守奏績為天下第一擢

天時礦賊蜂起軍需告乏問巷蕭然公經畧安撫

未一年群賊息再期年蓄盈十萬薄賦便民疆圉

完固轉戶部侍郎行之  
日將士揮涕編氓遮道

效祖曰

國初元功之在社稷者中山武寧王一人耳他事毋  
論即建山海關城永為保障之利至今山海人猶  
尸祝之其後文武並建責諉於多岐業掩於無事  
即有經世之才亦安所效之然今以後稍稍能自  
致如城塞詰戎分屯列戍為

國家定龕世之畫者安可謂無八姑俠論定余不敢  
言之也

### 昌鎮才賢

勲勞

中山徐武寧王達 見薊鎮

開平常忠武王遇春 見薊鎮

永順薛武毅伯綬 昌平人襲父爵累有戰功永樂

上比伐匈奴奮勇迎敵戰  
沒謚武毅

羅通 江西吉水人永樂十年進士官御史有風裁

部員外郎理上谷餉陞兵部郎中三年命叅王尚  
書驥軍出張掖酒泉征阿台朶兒只怕十四年土  
木之變邊警日亟用守居庸關拜御史大夫公守  
關方畧周悉十月也先脫脫不花率三萬衆攻居  
庸急公先士卒犯矢石獨石叅將楊俊欲度關以  
護衛言公按劍讓曰關北既失賴有居庸無居庸

是無都城矣舍此將安護衛耶下令有度關而南者斬俊乃借關西南隅圮衆危之公作布帳虜疑莫敢窺又令軍民老幼澆水水城數出奇劫虜益疑越七日轉寇紫荊公山銳師追獲普那言帖木兒又以五千士扼拘羊山狙擊虜敗至長安嶺俘馘甚衆虜遁去

上嘉其功召入參贊軍務掌院事進官保賜詔慰勞曰虜賊數攻居庸內外爾能調度官軍奮勇殺賊敢賊衆全關無虞且見爾運謀制勝克盡心力所致茲特降勅褒獎爾尚益懋乃勲毋或自滿而有怠志四年陞左都御史天順二年致仕弘治十八年關人疏請立祠歲時尸祝之嘉靖元年御史楊谷請題其祠賜曰表忠○效祖曰通故名臣也當時肅愍公赤心為國是通以細故竟與不相能通曰德勝之論功若濫因為肅愍公施藥石獨至山西之命不欲徃頊今肅愍公請代之其言曰當國家多事之秋非臣子辭勞之日彼時通聞之不知何詞以為解二公之得失章章別矣

**楊善** 大興縣人未樂初以守城功歷官鴻臚鳴贊累陞本寺卿禮部右侍郎扈從止征進陞右

都御史尋使北虜有功陞左都御史順天改元封興濟伯禮部尚書善練習朝章歷官恭勤卒加封

興濟侯 謚忠敏

**薛貴** 昌平人未樂中從征有功累陞都督僉事進封安順侯卒追封濱國公謚忠壯

**薛斌** 昌平人未樂中累立戰功封永順伯

**王竑** 湖廣江夏人正統四年進士劉毅有經濟才初官戶科給事中十四年土木之變郤王監

國百官劾王振誤國讀彈文未竟錦衣指揮馬順振黨也從旁叱言官去公起捧順首曰此姦臣當亟誅百官即批順殺之冬虜犯都門命公監北城軍當時獨北城諸將戰勝虜退公上言虜未大挫去必復來宜急為戰守計陞僉都御史命守居庸練習韜鈴方畧周悉臨事以大義感人無不用命者北門屹然一時推重 歷官兵部尚書謚莊毅

**何喬新** 江西南城人景泰甲戌進士仕至刑部尚書北虜亂象三軍到日數至輔震驚紫荊

居庸尤急公往經畧裹糧戒壘聲為掩撲計虜聞之傾巢夜遁去

張欽通州人官御史正德十二年巡京西諸關八月朔報

武廟駕至昌平欲度關幸宣府公檄外分守都指揮孫璽閉南口門時內分守中官李嵩欲趨昌平候駕

公曰乘輿度關爾我罪俱無生如能懇回聖意死亦幸矣少頃上宣嵩嵩曰上有旨敢弗往

公復以社稷利害祖宗法度曉之嵩乃止承旨者愬公於上上怒或謂

上微服至公恐關鑰屬嵩是日取以自掌負勅按刺閉關秉燭坐門草疏辭懇甚疏凡三上次日內閣臺

省大臣俱至昌平迎駕武廟遂由東馬房通州張家灣南海子遊觀還關二時

謂公朝野倚重二十八日公巡白羊紫荆武廟於是日駕次羊房止民舍二十九日乘輿度關索

公或權詞對遂止公途聞即回無及上止關一宿九月朔至宣府次年正月朔七日

入達嶺曰他昔攔我今也回來雖天語若有憾焉亦知其忠愛不較君仁臣直曠世一見後陞大僕

寺卿工部右侍郎致仕三疏至今縉紳士大夫傳誦

葉盛直隸崑山人第進士正統成化間公授兵科失律敗事請誅夷之以謝天地然後選將練兵以

復不共戴天之讐如此則大綱以正大義以明邊境未寧大臣有奏留邊將守京師者公言今日

之事邊關為急往者獨石馬營不兼則六師何以

置土木紫荆白羊不破則虜騎何以薄都城急宜遣固守宣府居庸為便已而河南陳州流民扇動

命公往視公即兼程以進除貪虐賑饑寒民用安輯

孫璽廂關正德十二年知歷陞都指揮僉事分守居

武廟巡幸宣府至關璽閉關力請回駕不獲又叩馬極諍忠愛剴切朝野知名

效祖曰余觀命服當關者其抗疏回天宜莫如張

欽捍患保民宜莫如羅通今二公往矣而茂庸款

欵令人百世有餘無舌云人貌榮名其有既乎三  
公之謂矣

真保鎮才賢

勲勞

張忠

洪武中為大寧都司都指揮使曉暢兵機斬

趙耀

寧晉人洪武初以湖廣行省掾進中書省左

府都事及達平山東河南克元都取山西入關中  
擢在幕府綜理擢湖廣行省參政改授北平行省  
參政諭之曰聞北口人多來歸附者汝宜速往選  
其驍勇可用者為兵月給米贍之餘處之臨清東  
昌之地毋令失所耀因進工部尚書張允所取北  
平宮室圖進

上覽之

依元舊皇城以改造王府

譚廣

洪武中保定後衛指揮使勇畧過人尋陞都

方寧  
靜

NATIONAL CENTRAL LIBRARY, TAIWAN. F.O.C.

孟善

洪武中以都督同知守禦保定府號令嚴明軍民畏服

楊澤

定興人起戎行有勇畧以靖難功累陞山西都督兼事洪熙初

陞都督同知

黃子嘉

福建莆田人以明經薦授安城教諭正統六年陞東鹿縣知縣為人剛明果斷慷慨

有氣節已巳之變虜千餘騎薄城下衆洶洶欲棄城遁去子嘉毅然率僚佐矢死守之城賴以全祀

宦名

薛希璉

浙江麗水人正統十年以刑部侍郎巡撫保定懲墨獎廉諷詢民瘼乘驛徧歷所治

練士卒葺城堞尤招撫逃移設法賑恤之是時官吏奉法軍民樂業至今稱頌不衰

陸矩

河間阜城人正統己巳冬以僉都御史鎮守真定時虜寇方退逃竄未歸乃盡心招撫復

業者載道舉十能覈貪暴官吏畏服又因倉廩空虛奏請發臨清倉根數千石貯積真定定州各倉

以備緩急軍民恃以為安後移撫延綏民多思之

楊洪

陝西漢中人起鐵馬間行有機警數用奇累樹戰功擢表為之警慄尤善于切營虜人呼

之為楊王正統十四年十月北虜犯紫荆等關洪帥師禦之俘獲苗蓄虜得人口以萬計洪子俊幾

被害露布聞論功封洪為昌平侯

陳金

浙江上虞人初任刑部郎中正統十四年北虜寇畿內金以監察御史鎮守真定以簡易

馭下選委能幹為統領修壁壘造器械為固守之計有虜酋虎頭者率數千騎寇定州督指揮陳勝

引弓斃之虜遂北遷地方賴之

王信

陝西南鄭人正統中襲寬河衛千戶累功陞都督同知王忠肅公薦鎮通判改守倒馬關

首塗修斥堠虜聞風不敢南牧馬

陳泰

福建邵武人景泰元年以僉都御史提督倒馬等關為人鯁介執法官僚悚畏出入惟一

青衫騶從簡約聲稱凜然又經畫關口三十六處  
早夜究心不計其勞虜知有備不敢犯及考察各  
府衛官吏去留咸當人  
心歷總漕右副都御史

**林鶚** 浙江黃巖人任監察御史景泰二年巡按真  
定等府持身清介風紀截然尤以剗剔蠹弊  
為急務時外戚宦官莊田多占民地  
悉奪而還之歷刑部侍郎為時名宦

**張鎔** 松江華亭人成化十年以右副都御史巡撫  
真定等處蒞事嚴勵奏舉郡縣官貪殘者悉  
置之法所在興利除害豪猾昇跡尤注意學  
校宣明文化士民歸心歷官南京兵部尚書

**余瓚** 京衛人成化十四年擢真定知府政尚嚴明  
則上出庸錢一兩中十之四五下什之一州縣注  
諸籍歲有所用則稽閭取之民以為便吏有黃綠  
為姦者輒逮捕以故無敢撓法又奏定馬政條格  
纖悉備具大約以實民力不廢公家為指每行州  
縣必進諸生於庭問民間疾苦或時較藝獎進人  
材士民大感悅郡中稱治然性簡伉不能規規下

人為人所忌移知黃州未至卒於道後數年西北  
用兵大司馬馬文升稱其才可任重託會計各部  
儲粟惟真定至數萬石視他郡  
為多復言之朝特加對爵云

**何喬新** 事見昌鎮

**叢蘭** 山東文登人弘治十七年以都御史經畧倒  
馬等關時烽鼓戒嚴廼參圖畫策建上竿嶺  
下竿嶺小蒸餅石漆林溝青羊溝各口正城居者  
時以無恐歷官至尚書年老乞歸 賜扁曰優老

**彭澤** 陝西蘭州衛人正德元年來守真定府政務  
寬大不拘小節開廣學校作育人才公事之  
餘日進生徒授易道不輟鄉有奄宦竊政或當附  
之澤即具一棺於堂後曰吾身豈附人者哉已準  
擬附諸棺矣卒無患有將才所至征討有功累陞  
兵部尚書加太子太保雖貴顯而清約如寒士身  
沒之後家無盈餘守土者  
以聞月給米優其妻孥

**李鴻** 陝西乾州人正德六年知深州適霸上賊起  
鵞聚萬眾縱橫河北問攻劫屠掠無虛日時



城破者不下百餘處乃修城設備竭力經畫每聞賊至居民輒欲出郊竄伏鳩從容止之曰我以死守城為誰汝輩反逃耶民皆感激涕俱以死許即率眾登城分僚屬守四門躬自提督往來巡眺晝夜弗寢賊知不可克輒自引去一郡生靈賴以全活七年經春不雨乃齋壇處禱即時大雨二麥獲秋以至興學校嚴武備撫流移化刁惡卓卓可舉百姓德之

**李延齡**

新城人正德間知博野縣流賊劫掠州縣

守禦計賊眾奄至城下悉力拒之不能攻陴院獲完

**戚景通**

登州衛指揮其先定遠人嘉靖初視大寧

加意成均以振起菁莪為殉業都司學用是發其軼文武並茂由景通也御史中丞汪道昆著孝廉將軍傳稱景通常舉孝廉又遇異人授以六甲游都之術其後平青州賊薊賊所向皆無敵

效祖曰真保自設鎮以來文武先登車轂亦濟濟

矣然求其綽有建樹足以載旂常而銘鼎彝者何寥寥乎即于肅愍之經畧亦自司馬部遙制之非至金城圖方畧也而楊恪愍結纓行部勲業亦不究于封疆言之令人短氣

# 遼鎮才賢

## 勲勞

葉旺陸安州人幼孤從祖母適姓金氏名金旺元

本姓洪武元年授都指揮同知移鎮青州辛亥平

章劉益等奉表歸款以旺同馬雲署龍虎將軍都

指揮鎮守遼東旺與雲由登萊渡海屯兵金州招

降元參政葉廷秀攻走平章高家奴完城繕兵置

衛建學邊具悉舉癸丑納哈犯遼陽旺與雲領兵

擊破之迫納哈奔開原乙卯冬納哈由長廣渡水

直趨金州旺以雲留守自率兵八千趨蓋州納哈  
還熊岳旺令千戶徐便青石山伐木為寨積土為  
壘絕其歸路海岸至蓋牟城下密置釘板于沙中  
設陷馬奔於平地以指揮王才領強弩數百據截  
青石山令老弱捲旗伏兩山間砲即豎旗束草  
為衣以甲冑設機運動為疑兵分部既定令指  
揮周鸚等肅兵以俟遣步將耿成陳玉夜劫虜營  
虜驚列軍城南旺率銳卒衝其中堅礮聲一起諸

NATIONAL CENTRAL LIBRARY, TAIWAN, R.O.C.

山嚮應指揮吳立亦出兵擊之斬獲無算虜大敗  
悉奔青石山王才據橋虜不能過轉馳而西阻於  
冰壘又聞四山鼓譟進退倉皇至海岸復值釘板  
人馬僵仆納哈出幾獲而遁去復以兵追三百餘  
里殲其眾殆盡是後鼠伏沙漠不敢為邊患  
太祖加其勞召陞後軍府都督仍鎮守遼東今祀廣寧  
名宦祠

周鶚鳳陽懷遠人元安豐萬戶丁酉歸附從軍征  
歷陞西安衛都指揮征沙漠守綏德馬雲葉旺素  
聞其勇致之幕下凡有攻伐任之洪武丙辰納哈  
犯金州葉旺以鶚率兵逆戰蓋州城南寇大敗追  
至安不刺堂九數十戰斬首數百級率諸軍往東  
寧邀擊斬九百餘級生擒渠帥數十人復與指揮徐  
玉招討東寧安撫司等處獲頭目人氏千九百餘  
口葉旺招撫春臺等處總率諸軍征鴨綠江獲人  
口牛馬無數繼往東寧那州丹府嘉州前後招撫  
出副使劉顯頭目人氏四千五百五十金銀牌銅  
印誥文戊辰領軍鐵嶺創立衛站庚午征進迤北

成祖親統大兵特賞馬匹以勞其勤卒年六十七諭祭  
率兵前鋒時  
家子

韋富湖廣黃岡人辛丑歸附功陞指揮洪武乙卯  
調金州衛是冬納哈出數萬圍金州時城池  
未完虜蟻附欲上富令城中男女以甕盛沸惡於  
城上擲之虜不敢前嬰城固守甲兵擊敗之擒其  
酋長乃及完城繕兵創衛置屯宣布恩信撫綏勞  
來有大勛焉

曹鳳鳳陽臨  
鳳陽人附  
太祖於淮甸為先鋒所至有功一日  
太祖逐盜大澤中履為泥淖所漬鳳脫已靴以進徒跣  
追戰八十餘里勇氣益倍薄暮回營上顧左右  
深加稱賞以功歷陞黃州衛指揮調廣寧中屯衛  
築城池創衛治撫恤士卒歷官  
都指揮同知

劉江宿遷人從軍山海衛未樂初由總旗功陞至  
左都督鎮守遼東以金州倭寇竊發相地形

要害於望海埭築立城墩以防海寇計寇將至火起急整馬步軍赴埭設伏翌日倭船二十餘艘泊海雄島徑奔埭上江親督指揮徐剛領兵赴堡復遣百戶姜隆以奇兵伏山下邀其歸路約賊回堡舉砲發伏馬步俱進賊大敗奔入櫻桃園合兵圍之自辰至酉生擒八百五十七名斬首級四百四十二顆事聞聖書褒美徵至京面宴賚甚厚封廣寧伯給鐵券世襲自後倭寇遂絕卒謚忠武今祀廣寧名宦祠

**曹義** 揚州儀真人燕

文皇知其賢詔征沙漠居前鋒克著奇績陞湖廣都指揮僉事平茶陵梅花洞蠻陞都督僉事統副總兵鎮守遼東開拓邊境屢破逆虜進左都督封豐潤伯食祿一千二百石給鐵券世襲今祀廣寧名宦祠

**王翺** 直隸益山縣人以求樂乙未進士官翰林庶吉士歷右僉都御史正統七年提督遼東軍

務總兵以下有不盡職者命左右搏斬之三軍讐慄陞副都御史十一年出塞俘斬以數百計尋陞左都御史在遼數年食不無味衣無重帛廣儲蓄增士馬邊川饒足軍士樂戰提兵開原以羽書移諭海西諸酋悚服景泰三年加太子太保總督兩廣軍務四年遷吏部尚書李文達嘗曰臯陶言九德躬有其五亂而敬擾而毅簡而廉剛而塞疆而義又曰王公經畧之大凡處事則無滲漏天順甲申加太子太保尚書卒八十四謚忠肅今祀廣寧名宦祠

**程信** 徽州休寧人正統壬戌進士授吏科給事中

泰間陞左僉都御史巡撫遼東應召便殿顧問邊事命信與內外中臣協和信頓首乃遣戰車勅義倉峙芻粟稽侵漁察奸細號令一新已知二月建州酋董山潛結朝鮮命信察之信具以聞且口乘其未發急遣二使往問之英廟命給事中往朝鮮錦衣譯者往建州兩酋俱不服乃出偽制示之各上表謝罪虜字來聲言入寇信率眾行邊增守禦修屯堡陞南京兵部尚書致仕卒贈太子太保

謚襄毅祀廣寧各宦祠

**焦禮** 顯州人英勇善戰從靖難陞都指揮使備禦

東景泰甲戌大破賊衆於小圃山斬獲甚多鎰仗

敵萬人召至京賜蟒衣

**范廣** 寧遠衛指揮僉事先丹徒人有膽力善騎射

同知累立戰功加至都督僉事掌管大營充副總

披靡不解甲者四日京師恃以為固及命守紫

荆關追至涿州斬獲功多陞都督同知景泰初領

兵宣府巡哨賜玉帶蟒衣與于忠愍公相為終始

**馬文升** 河南鉅州人景泰辛未進士授監察御史

悉心運籌上禦邊十五事虜患遂息陞左侍郎戊

戌建州女直叛上命再往凡三往遼東皆樹備

績東人至今感慕壬戌轉吏部尚書進少師兼太

子太保正德改元引年去前後二十一疏聖書

褒美賜宴給寶鏤立朝五十餘年以身殉國年

八十有五卒贈特進光祿大夫左柱國太師謚端

肅今祀廣寧名宦祠

**施聚** 通州人體貌魁梧金吾右衛指揮使充義州

犯境率所部兵從大將出境外聞道遮擊斬獲甚

多陞都督僉事克右副總兵鎮守遼東正統己巳

英廟北狩聚聞報痛哭即日引道守臣備牛酒迎勞聚

曰主上安在我輩尚可安樂遂趨京師累陞左

都督天順改元進封懷柔伯

給鐵券今祀廣寧名宦祠

**滕昭** 河南汝陽人成化初巡撫遼東經畧要害申

詢民瘼痛革奸貪以故夷虜畏威軍民樂業前所

舉薦者多以勲名顯還朝之日士卒攀留遮道無

不洒泣今祀廣寧名宦祠

王宗彛中成化丙戌羅倫榜進士授戶部主事建

郎中總理銓曹難其人舉宗彛當之奉 壘書往

除奸革弊芟粟充裕官軍得受實惠 朝廷命將

征剿建州夷五路出兵宗彛設法飛輓糧運不之

功成受知 憲廟擢都察院右僉都御史巡撫遼

東贊理軍務忤當道左遷四川參議明年轉河南

參政右布政使方入閱月遷都察院右副都御史

院右都御史管院事出鎮遼東上有益邊防入事

李善 陝西隴州人成化戊戌進士以監察御史按

餉聞善來遂屏息改轍尋論劾都督孫貴罷去奸

豪欵跡廣寧抵開元濱海而北七百餘里一片石

達鎮北閣相去三百里所省兵食歲計數百萬善

乃計程量工未畢厥志去後官工部尚書致仕卒

贈太子太師祀 廣寧名宦祠

韓斌 寧遠衛指揮備禦戰虜小圍山出義州入塔

將軍同都御史李秉東征以石偏清河捷進遼陽

副總兵建東州馬根單清河灘場駿陽鳳凰湯站

鎮東鎮夷草河十堡拒守相屬千里會兵西出義

州抵興中捷陞都督同知已矣從撫寧侯朱勇東

征至泊珠江降虜宋管只入部眾誣逮 詔獄明

年虜侵東邊 詔釋復任仍赴撫順關召責賊首

卜花秃等謝罪去復定斌為將三十年大小百戰

俘斬三千五百有奇 賜璘服銀幣致仕卒撫按

建功立祠春秋致祭 賜額

襄功子輔都督轍建昌知府

李承勳 湖廣嘉魚人弘治癸丑進士以副都御史

築自遼陽三岔河北抵開原延袤千五百餘里設

禦固防虜莫敢犯崇文振武聲績赫然其奏議十

數上皆切機要仕至兵部

尚書今祀廣寧名宦祠

彭澤 陝西蘭州人弘治庚戌進士以右僉都御史

星馳聽命所向成功正德六年擢副都御史

十萬餘肅聚河南劉三等衆亦數萬流劫山東廖

彭澤 陝西蘭州人弘治庚戌進士以右僉都御史

星馳聽命所向成功正德六年擢副都御史

十萬餘肅聚河南劉三等衆亦數萬流劫山東廖

彭澤 陝西蘭州人弘治庚戌進士以右僉都御史

星馳聽命所向成功正德六年擢副都御史

麻子等又各糾眾互擾川漢 武宗命總制湖廣  
陝西四川軍務先後剿平之及掌院事逆幸錢寧  
中之罷為民嘉靖初復起兵部尚  
書加太子太保致仕家居數載卒

**韓輔** 城之子幼從醫間賀先生遊弘治己酉改定  
遼中衛備禦撫順海蓋庚申擢右叅將分守

錦義虜三入皆計擊之大敗九月大舉入唐帽山  
援至遇賊張左右翼餌引入四面伏發斬獲無算

癸亥修築清河等十一堡建屯堡百十座耕守應  
援遠近相附尋陞署都督僉事鎮守遼東築邊垣

起自廣寧至開原長亘千里以功 賜蟒服廣寧  
舊與夷互市後以生黷廢時滿蠻雄諸部輔遣譚

者招滿蠻至宣諭犒賞結以恩信朶顏酋勝當福  
餘酋那孩聞風相率入市不復擾邊 賜璽書褒

獎卒賜 祭葬  
**劉璋** 湖廣黃岡人正德丁丑進士嘉靖丙申巡撫  
遼東軍變之後地方洶洶璋以至誠臨之黜

貪暴之官去勾筭之令與總兵馬永協恭安輯  
卒致叛亂削平人心底定今祀廣寧名宦祠

**王正宗** 固安人正德丁丑進士以監察御史按遼  
收之正於法地方宿蠹釐革無遺有妖人李真謀

為不軌惑眾搶山海關殺主事正宗捕首惡得私  
籍不視焚之反側悉 安至今人感誦焉

**孫禴** 始姓葛復姓孫京都人正德甲辰進士以監  
察御史按遼殺虜酋速長家等衛衙共百級

乃論劾撫鎮而原情以釋其眾內鎮守分守家人  
倚勢為奸皆按以法貪官豪右為之屏跡嘉靖癸

卯任巡撫諳邊情持法如舊巡按御史胡汝輔貪  
縱事露逮其用事王指揮置之法遠近懷畏奏修

東北一帶邊牆公費有經民勞  
以悅至今思之陞兵部侍郎

**劉暉** 東寧衛人善騎射驍勇著名正德庚午克副  
總兵分守遼陽壬申春領兵山東同許泰邵

永李鉉剿劉六等賊暉追賊至嶧斬首九百餘  
級收被虜婦女幼男馬騾盜甲器械無算 賜勅

褒獎滕縣民立生祠陞右都督鎮守山東癸酉江  
西桃源洞及東鄉賊首王重七等猖獗 命掛平

四金三開言  
蠻將軍印前往饒信剿賊甲戌加提督江西等處  
軍務剿平諸寇生擒新塗賊首張元二等進左都  
督移鎮宣府已卯江西宸濠亂克總兵官討之  
武宗崩削都督回衛嘉靖初召復原職鎮守三屯營卒  
於官暉賦性質朴敬禮文士  
講論兵畧雍旄秉節十餘年

**張鐸**南京留守衛人嘉靖辛丑進士以翰林庶吉  
士授監察御史按遼銳意經畧規度要害於

遼陽東邊建江沿臺險山孤山一堵牆散羊峪五  
堡開原建彭家堡李屯堡又積粟幾六萬斛貯遼  
陽預備倉以備兵荒後十年遼陽果遭大水瘟疫  
人至相食虜患頻仍賴此賑濟其思患預防之功  
大矣祀廣  
寧名宦祠

**曾銑**揚州江都人嘉靖己丑進士以監察御史按  
遼乙未春巡撫都御史呂經大興財利筭及

隨馬田畝至遼陽軍士擁門呼譟銑聞自金州亟  
回命官布法示衆諭以禍福經乃得去至廣寧軍  
又變無賴軍亦因劫其備禦銑各出檄撫安陰圖  
方畧七月甲子晨銑召諸生行射禮官僚畢集銑

出片紙分授吏卒少時縛八人至其明日撫順擒  
七人廣寧是日亦擒十二人不假兵革三城元惡  
就擒地方以寧奏聞得旨曾銑設策弭變忠蓋可  
嘉陞大理守右丞遼人建生祠于遼陽城西即以  
忠蓋扁其坊今  
祀廣寧名宦祠

**楊最**四川射洪人進士陞苑馬寺卿嘉靖乙未遼  
陽兵變最厲言勅法身衝其險呂巡撫得免

其禍修建南衛城晉太僕寺卿以  
諫方士廷杖罷今祀廣寧名宦祠

**張鏊**江西南昌縣人進士先浙江提學副使陞遼  
東苑馬寺卿修復馬政查清弊端奏開線城

田數千頃建永寧學給諸生經籍及著舉業文規  
全遼諸生趨會於遼陽書院卒業各有成就居官  
清慎陞遼東叅政分俸金百兩買耕牛除虛  
稅以蘇民困遼人士感惠至南京兵部尚書

**黃雲**陝西咸寧人嘉靖乙未進士以僉事整飭金  
州邊備改開原兵備開原舊無兵備設自雲

始時開原邊務久弛守將貪縱雲緝其用事者不  
少貸貪風始息雲又以虜賊馳突由邊牆傾圮堡



少兵寡乃建議撫按題請築邊牆二百餘里又於開原添設永寧堡鐵嶺添設鑲西彭家灣二堡汎河添設白家衝堡各募軍五百名為戰守計邊防完固虜不敢犯者十年陞山西按察副使

**王撫民** 直隸真定人嘉靖辛丑進士為人端恪廉平總理糧儲不襲故智禁革冒支尅減九

官軍見操之數檢故牒鎮城准總兵印信諸路取將領手本按季推月度支一時管伍衛所俾其稽察故犯者盡法繩之不少貸乃後兵荒相繼行伍空虛以故牒為乖格豪胥巨猾因緣為奸弊端日

茲地方思其賢

**趙國忠** 錦州人由開原備禦中嘉靖乙丑會武第

都督僉事鎮守遼東駐兵魏金公市利邊夷讐服陞級進都督同知修開原邊垣擒李撒赤哈賊首戊申提督京營鎮守宣府出居庸倉卒遇賊戰傷左臂猛氣愈盛賊後至者識為遼東趙太師辭去至鎮釐宿弊倡勇敢罷擺邊之役以息軍費嚴夷人互市使不得與鎮民爭補築一鎮邊垣庚戌虜犯

畿輔援至榆林斬獲功多而命鎮守遼東虜大舉入犯前屯追斬七十餘級修築沿邊臺圍民皆賴之去任卒翰林檢討孫世芳為國忠撰墓碑論其為將歷京鎮近二十年有威嚴以所有貨產遺

異毋弟今祀錦州鄉賢祠

**張寧** 浙江海鹽人景泰甲戌進士仕禮科給事中

朝廷將往問罪而難其人忽內降差公與都指揮武忠借往既行得遼東奏兩夷讐殺

勅諭急差追留取便進止時次遼東公拜救言若仁臣忠敢自便乎即語鎮守等官調官軍蕭陣直前既至尊揚威德陳警禍福若臣感悅相視震愕仰若

朝廷有人識者謂公此行不減重兵十萬橫行鳴綠知言也

**楊瑄** 江西豐城人景泰甲戌進士天順初英廟

祥忠國公石亨奪其田若干頃公具以聞併言其怙寵擅權之罪詔稱公敢言稱職

命吏部記之蓋將以大任也既而還京華李連見祥亨

二凶日蓋張公與十三道御史謀劾之有私泄于

上震怒召諸御史周斌且誦且對歷陳二凶罪狀明甚

某道御史周斌且誦且對歷陳二凶罪狀明甚

上意先入諸莫能回悉下錦衣獄通公誣引大臣刑甚

慘酷數瀕死卒無一語他及有司文致坐公死而

十三道長皆坐戌餘多貶奏上會京城大風雹拔

木壞屋走正陽門下馬牌于郊外於是獄皆從減

公就戍遼東之鉄嶺道遇赦還或謂公宜詣二凶

謝庶免後禍公不可復摘戍廣西之南川居五歲

二凶相繼以逆誅公被

特旨還里居憲廟嗣位以言官奏復

公舊官尋陞浙江按察使副使

賀欽遠東廣寧後也衛人成化丙戌進士正德已

先發聚眾縱劫城中大擾然相戒曰毋入東街驚

賀大人人以告遂請先生往撫而三遂從敏幹子

弟十餘人往彼拜跪言眾稍戢俄而相率至東街

巷口羅跪再請先生曰爾等燒屠劫財皆可抵償

惟殺人不可赦明後日鎮城有體勘人來爾輩須

拜跪求生耳慎無殺人已而撫鎮人果至須臾又

報發軍來勦眾復呼謀相聚曰賀大人不曾說謊

我輩再往問之先生曰城中被爾等擾亂至此鎮

城馬得不發兵兵雖至爾等第不殺人當有原宥

眾復退數日竟如其言城中不傷一人○效祖曰

賀先生脩正君子也素行乎於閭里即聚群不逞

者猶為先生斂輯不忍犯以是知忠信可行於蠻

貳非謾語也嗟嗟彼大夫士居鄉裏奪為

人所側目者設有先生之值其卒如之何

馬永見廣寧名宦祠

劉通薊州人嘉靖丙午為遼東掌印都司見遼陽

設六堡兵馬三千一帶南北相去八百餘里其間止

御史張鐸疏建七堡散羊峪一堵牆孤山險山江

沿臺等堡聲勢聯絡便宜戰守其財用資糧七堡

工役悉出通曲處周旋不經帑需聚臺森列可

謂不拔之謀

邊人多賴之

效祖曰遼僻在海隅北隣旃毳東接梟鏞故我  
朝受事宣勞之臣獨哀然於諸鎮而望海堦之捷創  
江揭旗鼓為其次焉承之定叛漂鹵于未萌其皆  
社稷之功乎

### 薊鎮才賢

#### 謀勇

**陳景先**

東勝右衛指揮使公忠勇剛正練達老成

求樂初守備山海關會中官謀逆公多方  
納沮歷陞都督僉事總兵鎮守留心邊務以關遠

勢孤各建管駐操增墩臺川戒不虞在鎮八年邊  
關無警

**宗勝**

京師人正統初為中路參將十四年陞都督  
僉事總兵守薊鎮時虜大寇人心恐甚公獨

與巡撫鄒公協力經畫保障壯門關  
堡塞垣修戢完固邊人至今稱之

**王榮**

直隸潁州人貌奇偉有膂力練習韜鈴將佐  
中一時稱名成化初總兵鎮薊虜犯塞救獲

奇功用心邊圉多方修戢要害增設外險悉力虜  
屢入不勝由是不敢近塞公在鎮十四年邊關無

警將士  
懷之

NATIONAL CENTRAL LIBRARY, TAIWAN. F.O.C.

阮興京師人弘治十三年以都督僉事總兵鎮薊

嘗退遁卒于官薊人愛戴

温和河間衛指揮正德二年以都督僉事總兵守

謹烽火廣間謀以故常得虜情先事防禦虜不得

及見公退而嘆曰温總兵真儒將也卒未加害改

都督府僉書周益昌廣寧右屯衛指揮嘉靖乙未陞備禦都司

昌率所部迎敵自午至暮虜漸加兵益昌度虜夜

必襲營乃設空壘張旗幟移軍他處以就援虜果

夜至知其有備而去卒夾轉墻子嶺參將陞占北

口協守副總兵以功陞都督僉事充副總兵鎮守

薊州九月北虜寇古北口土牆邊嚴兵拒守匹馬

不能入加都督同知廕一子副千戶乙卯虜又擁

衆入犯寬甸塔斬獲賊首得夷馬器械無筭進榮

祿大夫廕一子副千戶丙辰卒詔賜祭葬立祠

贈右都督

李文忠

直隸盱眙人洪武己酉春

上以文忠為偏將軍副開平王常遇春征迤北由遵化

度鹿兒嶺敗江文清於錦川次全寧元將也速逆

戰一鼓敗之追至灤河斬其宗王慶生遂進攻大

興度其必走乃命兵千餘伏其歸路虜果夜遁遇

伏大破之斬其將昂往進克上都三年春正月授

征虜左副將軍總兵伐北二月師出野狐嶺降其

守將進師察罕腦兒擒其平章祝真夏五月克應

昌獲元孫買的里八喇及後妃宮女金寶玉冊以

歸元太子僅脫身走追之不及而還過大興擒元

將江唐國公進攻紅羅山其擁兵自固者皆請降

冬十月朝廷論功行賞加左都督府左都督曹

國公賜鐵券卒年四十六歲追封岐陽王謚武靖

配享廟庭祝雄遼東前屯衛人嘉靖二十二年總兵鎮薊善

養士卒人樂為用虜入塞親率子男為士卒

倡子少却立斬以殉虜每望公旗幟即遁去在鎮  
三年虜馬不敢南牧邊關尚賴朝廷知名世  
廟嘗書其名于御屏公性廉靜自奉澁如奉客亦  
無無味每行邊則布袍氈帽不異行伍卒于官私  
囊僅足為斂薊人德之立祠歲祀

效祖曰古稱扛鼎揭旗之士監督方部者其幸而  
值泰階平得以優游卒歲何可比數顧以尺獲不  
至隆炎老鷹庸祗之秩徒令人默沒焉耳誰為之  
抗華旂哉

### 昌鎮才賢

謀勇無

效祖曰昌平故不置衛所其自有

諸陵皆以京衛次第改易所司者巡護灑掃事耳以故  
官多疲駑之胄即不偁戈以向敵其謀勇安從著  
哉今以往盡驅之部伍間稍稍當有卓犖者出矣  
部使者更提挈而獎借之豈有待文王而弗興者  
乎

真保鎮才賢

謀勇

平安

才未詳其世家或云回紇人洪武末帥守定州

之北門朕知爾才特以授爾爾宜勉之安承命至

定拓城池繕器械練將士以身許國隱然有北門

鎖鑰之勢及靖難兵起安督兵禦之白溝河大戰

凡數十陣北兵弗能下

田禮清苑田蒿人蔭父欽保定中衛指揮僉事歷

自期謀猷審固御下有恩紳閭推其練達老成諳

曉兵政同靖遠伯玉驥討雲南孟養生擒其子思

機發破其鬼哭等山寨討貴州苗賊身先士卒平

首獻俘諸苗請降撫綏

盡道所至無不德之

陳讓

高陽人果敢有謀革除年從保定侯孟公廩

NATIONAL CENTRAL LIBRARY, TAIWAN, R.O.C.

辭不受選江陰主簿陞益都縣丞  
任滿考績授階正八品尋乞休歸

**章珪**蘇州常熟人任監察御史正統元年巡按真  
定等四府嚴毅有為奸貪警懼時潼關衛有

冤獄二十一人立辯釋之人服其明畿甸蝗災民  
饑有司請以虧欠馬匹折追糧米為賑濟珪以賑

濟正欲為民追折糧米民何以  
堪其疏以聞真定等府皆獲免

**樊忠**安州人有大力選克護衛將軍正統十四年  
隨駕北征土木之變駕被圍急虜入營

太監王振方與上奕忠在傍知事已去即以所  
持火箠振死仍護駕突圍箠死百餘虜竟死于

陣後安州人設祠以  
祀之墓在板橋村

**呂雯**安州人自幼個儻舉止每異人中景泰癸酉  
鄉試迨成化丙戌吏部簡國子生有儀觀能

文者受御史雯與選數直諫有聲從征遼紀功擢  
南京通政叅議遷兵部左侍郎

**田天澤**應州人正德間知定興流賊攻城賴天  
澤善守獲全擢光祿寺寺丞陞知州

**金鏡**上元人正德間知蠡縣流賊有為  
時流賊猖獗修城濬壕民賴以安

**胡守約**四川合州人正德中知蠡縣時  
流賊破城被執不屈賊亦全之

**王凱**蠡縣人由進士授南陵知縣慈祥愷悌務勤  
儉典士風勵民俗擢御史巡紫荆等關號令

嚴明按關陝吏畏民懷陞陝西  
按察副使後陞山東左叅政

效祖曰語稱英雄豪傑其伏也無盡豈不然哉夫

雖必處囊而後脫穎劍必出冶而後奮槌矧士之

踔犖用世者不乘機觀會其安能自致而俾榮聞

之休暢哉故不獨巖穴之下有遺逸即幸而受事

者亦規規尺寸之間耳惡能盡哉惡能盡哉

遼鎮才賢

謀勇

徐玉

德州德平人元守禦泗州丙午年歸附隨征

洪武二年征進迤北由金吾千戶歷陞永寧

懷遠定遼左衛指揮王子守禦遼陽率官軍出敵

鼓譟而進生擒酋長麻的而還從葉旺征老鴉山

寨攻走高家奴丙辰正月納哈犯金蓋玉率部邀

擊于三角山追至鴨綠江擒達官忽林卜花丁卯

大軍征納哈出玉為前鋒直抵金山破營寨俘斬

尤衆進至一禿河會納哈出降遂還總兵嘉其勇

復令帥遊騎往信州邏

戍遇寇力戰中飛矢卒

胡忠

遼陽人以指揮備禦廣寧累官中路叅將分

守錦義邊患稍息訓士卒嚴防守戢淫祠浚

城隍修學校尊師黜訓誨武官子弟城北有凌河

民每病涉忠乃捐金築橋往來便之解任民為立

碑以

祠



王祥光州固始人承樂間由燕山衛指揮使總神  
寧遠蒲河等城及推掌遼東都司事陞都指揮同  
知甲子虜寇西鄙祥殲其衆于老河庚午寇東鄙  
又戮其酋長于東山陞都  
督僉事卒于家持命登塋

巫釗金陵句容人功陞遼東都指揮使秋冬駐廣  
寧防胡春夏駐金州備倭道經古澤泥淖難

行奏築長廣道行者便之宣德間陞都督僉事充  
總兵官鎮守遼東大破兀良哈展拓廣寧城于遼  
西湯池奏設寧遠衛舉將材立學校陞都  
督同知賜白金綵幣卒祀廣寧名宦祠

王錯祥之子定遼後衛指揮以戰功陞都指揮天  
順己巳充參將分守錦義二城會兵興十參

州斬賊首六十五級東長嶺大破賊衆從撫寧侯  
朱勇東征建州陞都督同知展築牆壘七十餘里  
增置烽堠四十九座及改演武  
場修理學校後卒賜祭塋

李英廣寧中衛指揮其先盧龍人累陞都指揮使  
征建州以功陞都督僉事成化間克右參將

分守錦義二城講武恤士舊有佃戶輸粟帥府者  
五百人英悉罷之虜燕狗子常糾衆深入英討擒  
之邊患以息在任七年百度俱舉疾卒

事聞遣官諭祭塋今祀廣寧鄉賢祠

鄒溶明哈縣人由燕山左護衛百戶陞錦衣衛指  
揮同知調開原備禦修理邊城開通河道展

築關廂創蓋馬市安插達官  
有才譽官至都指揮同知

莊鑑定遼右衛指揮善騎射有膽力成化丁亥選  
征建州衝鋒破敵雖矢石交下而氣益壯廷

敗賊陣巡撫李秉以奉集堡直抵鎮遠一路當賊  
衝要伴鑑提調殺賊東鄙頃安及撫總兵韓斌開

拓遼東邊境鑑督兵防護邊既開賊犯西徼追襲  
境外斬捕首虜盡奪所掠而還叙功累陞都指揮

同知歲乙未補海蓋備禦丁酉建州賊犯東山鑑  
奮迅率兵追至舍人寨大破之已亥復征建州信

國公朱勇以鑑領前鋒直擣虜巢斬獲甚衆  
勅陞都督僉事賞銀牌

文寧遼陽前衛指揮使其先揚州江都人以父廣  
陣亡陞二級襲授都指揮同知成化丁亥東

征建州陞都指揮使調守海蓋地方已亥復征建州陞都督僉事寧志氣精悍法令嚴明曾在陣見一虜山半獨立呼騎取來二騎飛取至營其威令如此尋卒上遣都指揮白欽諭祭塋

**周俊** 鷄之孫定遼前衛指揮僉事備禦寧遠充開原參將分守西路成化丁亥東鴉鶻關斬俘四百餘名級已丑移守開原復征建州擒斬多功陞都指揮使孛顏賊邀殺海西貢夷俊勒兵追至土石門斬首十一級奪回方物開拓柴河堡抵蒲河界六十餘里增烽墩疏挑河道改設鎮北清陽二堡邊人稱便尤精太乙數占驗風角分守二十餘年

**郭振** 遼海衛人弘治壬戌任寧遠守備修砌邊垣夷入貢遇振于承天門內皆羅拜縉紳驚異文參將出備潮河川賜飛魚衣轉義州參將陞遼陽副總兵時東夷虜候卒振出境召其首詰之夷畏乃還原卒不敢近邊

**韓璽** 輔之子中弘治乙丑會武第授署指揮僉事充遊擊將軍正德戊辰義州軍亂總兵欲以兵平之璽持議不可遂以身上其事單騎入撫臺能已亂陞遼東副總兵虜犯海州追殺甚衆陞署都督僉事充遼東鎮守總兵賜蟒衣山僧大泰以妖法惑人璽擒之被惑者不究癸酉孛顏千餘寇寧遠璽率兵追斬甚衆盡還所掠賊犯清河廣寧開原每戰皆捷戊寅陞都督同知履任十年屢辭疾歸著有八陣圖法卒賜祭塋

**韓澄** 高陽人弘治間以進士授戶部主事屢督運餉出納稱平歷陞山東僉事分巡遼東時妖人李真等作亂澄捕誅無遺類擢陝西按察副使湖廣參政

**馬深** 雲兩世孫義州衛指揮使成化間歷義州廣寧備禦屢著斬獲功陳十六事皆有經畧可行弘治乙丑虜入寇兵部尚書劉大夏薦天下可任大將者十人而深居其首見孝宗宴賜優厚命協贊顯武營正德改元告疾家居鎮巡仍委督修開原邊工經營有方且優恤役夫多免于死內外交薦十餘

疏充開原右叅將

蕭洋

東寧衛指揮僉事正德六年征流賊以滕縣平度狼山功陞指揮使九年征江西桃源洞

斬賊首七十五級陞都指揮使克領兵參將嘉靖間分守義州開原陞都督鎮守山西提督三關

周益昌

見薊鎮

劉國

宣府人嘉靖辛酉克瀋陽遊擊膂力絕人射貫重甲壬戌代遼陽副總兵事時虜擁衆人

寇至甜水站搶掠人畜數萬國聞報領兵馳赴追至四顆松虜分三營而出各營一健酋迎敵國發

三矢連中三賊虜遂大潰多斬獲功奪回所搶人畜無算

張元禎

山東奇山所千戶好談兵善騎射身長八尺勇力過人先備禦路本城南關居民

雖附城廓猶居曠野每虜突入搶掠一蓋元禎乃請築城營繕有方軍民永賴轉潘陽遊擊嘉靖丁

巳秋東虜萬騎山清河堡突入禎率所部迎敵在三家嶺磨石谷地方獨奮勇當先俘斬五十三顆

得夷馬二十四匹親斬首二顆奪衣甲器械二百餘件總督王忬巡撫路可山薦禎勇往直前冒鋒力

戰分布要害效死克敵官軍感仗其威重地通賴保全陞錦義叅將世授指揮僉事

效祖曰古所爲稱中堅者豈必其有兼人之力而

擱然負軀幹哉要之以臨事之懼而好謀以敵愾

之心而鼓衆爲有利于疆場耳不則當偃武時不

能令止三軍即倉卒臨戎其何以收死綏無却之

功哉詩云赳赳武夫公侯干城赳赳武夫公侯腹

心則謀勇其人乎

# 薊鎮才賢

## 節義

效祖曰靖難時北平死事者多雖其闡於珍榮大較願為社稷死亡咸不失致身之軌今以邊務為急即殞命胡塵者尚有軼遺故不得並列諸臣非畧之云

**張斌** 台肥人洪武中以征伐功陞密雲都指揮僉事尋虜寇邊公率兵進擊失利虜執大罵不

屈虜怒令衆虜交射至死罵不絕口

**魏祥** 宣府前衛人任密雲叅將勇敢多智虜寇石塘嶺公率兵前進夾河拒敵交矢中賊過半將敗後賊擁至會流矢中目援兵不應過害

上嘉其忠褒贈廟祀

**劉經** 國初從太祖征伐有功陞北平都司命守密雲

上賜劔履銅鈐二十四箇牌二十四面整飭邊備無虞成祖靖難兵起下密雲公守固竟不得下後內姦獻門城陷公授井成祖執

臺灣國家圖書館, NATIONAL CENTRAL LIBRARY, TAIWAN, R.O.C.

其家人索公於井出之請以死 上嘉其忠賜蟒衣玉帶 成祖登極召公時公已死賜祭錄其子

**王瑄** 燕河營參將 **王欽** 界嶺口提調成化年虜犯界嶺口瑄欽俱戰沒

朝廷褒贈後建祠祀之

**劉欽** 密雲後衛指揮使任古北提調弘治十三年虜犯磚梁子關公率兵追至古城川左右曰

賊衆難與爭鋒公斥曰臣死忠分也奮勇大戰力竭乃死

**殷寬** 千戶 **谷壽** 千戶 **牟茲** 千戶 弘治十三年五月虜犯古北口磚梁子關

殷寬等俱陣亡

**陳乾** 錦衣衛人指揮使正德三年守備遵化十年任參將虜寇鮎魚石關乾率兵出關左右曰

虜衆我寡宜堅壁自守乾曰官爲分守邊防之責豈忍坐視民患率兵迎敵自卯至酉大戰力竭死

之事 聞褒贈錄其後

**王冕** 洛陽人丁北進上初爲萬安令討逆濠有功遷兵部主事嘉靖三年命守山泃關至關甫

旬日值遼東兵變奪關肆掠群兇露刃直趨公署侍吏請避之民舍公曰吾避民將奈何遂佞執脅

從公不屈死之事 聞贈光祿寺少卿

**劉璽** 密雲後衛百戶膂力過人尤閑弓馬當時稱爲驍勇嘉靖五年巡龍王谷關虜犯塞突至

轉掠占北營無與敵者璽大呼躍馬衝鋒格鬪殺賊甚衆及覆入陣數四中流矢被體而死祀于忠

義祠

**趙傾葵** 廣寧衛人指揮僉事歷任馬蘭峪參將嘉靖乙卯北虜入犯葵率兵追至鮎魚池迎

戰虜衆兵寡軍潰而殞事 聞贈都督同知賜祭葬謚忠壯廕弟傾芹副千戶

**張繼祖** 密雲後衛指揮同知任潮河川舊把總嘉靖二十九年虜大寇自黃榆溝入塞公挺

身逆戰斬獲甚衆虜擁重圍戰沒事 聞贈指揮使

劉志高

密雲後衛千戶任古北口千總嘉靖二十九年虜內犯由古北口擁眾突至志高逆戰斬獲甚多力盡遇害事

崔宗周

遵化衛指揮僉事嘉靖二十一年任黃崖口提調虜入犯兄弟三人衝鋒格鬪沒于陣事

李湘

東勝右衛指揮驍勇有聲為馬蘭谷千總嘉靖三十四年虜入犯相奮力拒敵應援不至戰沒事

劉棟

遵化衛百戶周官忠義衛指揮褚文明忠義

孫世爵

東勝衛千戶嘉靖三十四年提調馬蘭谷虜卒至躍馬迎敵大戰兵盡死之贈指揮

徐來儀

遵化縣學生員嘉靖三十八年止虜犯塞旁掠內地來儀奮勇立殺數賊賊擁至執之不屈罵不絕口賊剖腹裂腸其妻盧氏抱哭虜惜其姿不忍害逼之竟不從虜怒將其髮繫馬尾馳數十里髮脫後于河虜復取以支解事聞

張應相

遵化縣張冲靈應相張德應相義男嘉靖寇入關內掠八騎突入應相室應相一矢立殺一虜餘遁去復糾眾環攻德橫禦守門刺死六賊中

李朝舉

李梅俱遵化縣人嘉靖三十八年虜內掠攻馬相營堡梅與朝舉分城拒守日

李朝舉

李梅俱遵化縣人嘉靖三十八年虜內掠攻馬相營堡梅與朝舉分城拒守日

聞贈官千戶錄其子世祿

**麻鑑**

遵化縣麻家庄人嘉靖三十八年虜內犯劄

去糾衆虜至焚庄掠其妻孥鑑奮力持鉄鞭突入營勇不備格殺甚衆身中二百餘矢猶脫圍死於

道事  
聞贈官千戶錄其子世臣如贈官

**賈汝楫**

遵化縣人年七十嘉靖三十八年虜內犯

立礮殺二賊傷損亦多被賊衆莫敵為賊支解事

聞憐其老而有壯志贈官千戶錄其後襲世官

**李鉞**

大安口人沙坡谷管操指揮嘉靖八年五

**楊王**

虜寇蔡家谷戰沒

**蔣承勳**

遼東義州人知歷任建昌營副總兵

兵進至河瀋口遇賊戰死于陣事

聞贈都督同知謚忠壯旌一子副千戶賜祭葬上祀

忠祠

廣寧表

二級力竭死之事  
聞贈指揮同知錄其子如贈官

**吳秉直** 密雲中衛副千戶隆慶元年虜內犯熱河

效祖曰薊之以節義聞者自庚戌後稍稍能節指

頑命服之胃不忘喪其元者惟贖與傾葵耳而偏

裨部伍以退撓貪生者先後何可勝數至若荷杖

荷鋤之夫間有奮臂當車臨門者此亦一以

義自天性非計畫無所復之者也夫有一以

愧夫堯叅之有二心者不可乎

昌鎮才賢

節義無

效祖曰昌鎮非受敵之所故將士死鼓綏者落落  
尠著聞焉然聞土木之變虜自紫荆入嘗焚

長景獻三陵矣彼時即不聞有格鬪之旅而封疆城郭  
豈無一人在事者乃未聞以頸血灑燔燔其謂之  
何

四庫全書

七

臺灣國家圖書館, NATIONAL CENTRAL LIBRARY, TAIWAN, R.O.C.



真保鎮才賢

節義

陳復初

革除年以禮部侍郎監曹國公李景隆軍

敗績公見勢不可支從容具朝服南向百拜曰臣

先帝于天訴景隆也遂躍馬入于河死之

曹震

寧晉人初以鄉舉歷代州學官泰和典史宣

入內閣典制日侍講讀累陞吏部左侍郎兼學士正統己巳隨征沒於軍中贈太傅吏部尚書兼文淵閣大學士謚文襄改謚文忠官其子孫孺學瞻行端內剛外和識達政體才智出人士林重之

都御史孫祥太監阮堯民都指揮韓清正統十四年冬十月

北虜犯邊由廣昌縣至關西七里升兒石占據要地阮堯民韓清領兵馬出舊城北門至盤石口截

NATIONAL CENTRAL LIBRARY, TAIWAN, R.O.C.

殺孫祥守城又分布軍士五百人堵截瓦窰安口  
賊至即擁眾馳上南山軍被殺死殆盡堯民見賊  
勢衆回取救兵至三里舖為賊所殺清盡力死戰  
至晚身被數十鎗亦死於陣達子頭目喜寧至關  
城下曰我今送駕何不開門祥以虜情狡詐堅壁  
拒之至夕賊縱火盡焚大水礮斬關而入祥被殺  
死事寧之日建祠于拒馬河  
北春秋舉祭曰三忠祠云

**段秀** 錦衣衛人由給事中出知棗強時畿內盜起  
規畫為必守計築城濬池修葺樓櫓選丁壯除戎  
器設邏卒以譏察非常旬日之間施措甫定賊三  
千餘騎自州涉河而至七月薄城下秀親授桴鼓  
衆曰爾輩驍首就死孰愈殺賊以報國乎矧城  
可恃以保身家雖守城死節不失為忠于是人人  
自奮矢石俱下一山之中賊兵三進三却殺賊八  
百餘人并首領一人賊愈怒攻圍益急閱三日城  
陷秀身中數矢一鎗猶噴口攘臂連呼曰殺賊及  
知不可為遂赴水死三日典膳官姚圮收其屍昇  
晉縣西之去思堂事 間贈太僕寺卿廕其子崇

文為錦衣衛百戶  
命有司歲時致祭

**速杲** 安平人由校尉陞錦衣衛百戶天順初以功  
逆首遇害詔以 忠邊陲超陞錦衣衛指揮同知會曾吉祥謀  
其子襲千戶

**李涑** 保定後衛指揮僉事充浮圖峪守備禦虜守  
城有功陞都指揮僉事分守居庸關歷任寧

武關鎮守總兵官嘉靖庚戌胡虜犯山西涑與子  
松追至八角大轟賊兵四起環圍數十

援父子俱戰死事聞 贈太子少保謚忠 愍 諭祭  
立祠廕次子桐都指揮使梓左衛指揮使

**文雄** 保定左衛指揮僉事嘉靖丙辰科會武第  
陞山東領班都指揮僉事庚申胡虜犯薊州

雄督兵截殺倉卒遇賊力寡不能支遂被害贈都  
指揮使廕子可觀都指揮僉事

**趙桓** 保定右衛左所百戶素有膂力善騎射嘉靖  
督軍決戰殺傷甚多援兵不至為賊所斃支解其

體撫按上其事陞三級子孫襲正千戶

效祖曰死生之際大矣故死有重於泰山者亦有輕於鴻毛者可以死可以毋死顧在人所自處耳獲初而下屢屢不數人雖其死事不同要之皆可死也死無憾矣質誼曰父兄之臣誠死君上守禦捍敵之臣誠死城郭封疆斯皆死之義也

### 遼鎮才賢

#### 節義

**文廣**

楊州江都人任定邊前衛指揮陞署都督僉事備禦寧遠正統壬戌孛顏犯邊廣率官軍

追至瓦廟堡大戰天暮廣不繼中流矢而亡諭祭

勒兵窮追賊伏起後援贈鎮國將軍

**趙忠**

廣寧右衛指揮守鎮靜堡正統己巳北虜大舉入寇攻圍鎮靜甚急忠登城設禦亦甚整

備歸語其妻曰封疆之臣當死封疆若城破則吾與城亡汝母子自裁虜攻甚流言城陷妻女皆縊

死時困圍兩晝夜賊知堡堅遁去守臣上其事朝廷嘉忠全城之功陞都指揮同知賜金二十兩

為妻女塋

詔旌表其門曰忠節

**鄧佐**

定遼前衛指揮使提督軍務王公翺喜其善騎射有膽力陞署都指揮成化三年春隨總

兵施英拔奉集堡賊二千餘入寇佐率五百騎為前鋒奮勇身先斬賊十餘級賊敗去急追至樹遮

里峻山西壁復殺救賊鼓戰而前賊并力鏖戰久之有一校策馬西走衆遂潰存軍士五十與佐死戰佐悉令士卒下馬拒戰賊進逼隨卒死傷殆盡引刀自刎報未至遼人見佐乘白馬挾弓鼓吹前導自東而回佐家亦聞鼓吹聲入門老少驚惶迎之不見守臣奏其事立祠旌表諭祭都御史吳禎爲撰碑記至今撫順夷人凡有疫癘禱之乃應其忠節顯著如此

**李漢**復州衛指揮中會武第守備駿陽虜犯孤山

不至漢死千總指揮金潮守堡指揮佟息等九員見漢死不忍過去併與血戰死之事

聞勛履各陞二級漢廕一子立祠

**張文翰**定遠前衛指揮嘉靖甲辰守備駿陽十溝

而死且歷試軍政備禦前屯操持如一撫按上其事陞二級

**殷尚質**天津衛人以署都督僉事充遼陽鎮守總

實率本鎮兵馬及遊擊閻懋官等至塔兒山與賊對敵力盡俱亡贈少保左都督謚忠愍懋官贈都督同知廕子正千戶

**閻懋官**定遠左衛人

**楊照**前屯衛指揮使都督鎮之孫備禦前屯廡明

賊首獲達馬二百餘匹嘉靖癸丑陞都指揮僉事充領兵遊擊防禦瑞昌堡擒縛賊酋哮羅等五名轉古北口參將拒退北虜任密雲副總兵陞都督鎮守新賊一千八百六十三級獲駝馬一千七百

八十餘匹投降真夷三十二名以阿羅材功進都督同知以事去任復充前屯遊擊尋推遼陽副總

兵于圍佃子江沿臺長安堡三捷復前職仍

**命鎮**守遼東癸亥八月由鎮夷堡出境追勦斬賊二百餘級遇賊伏起陣亡贈少保左都督謚忠壯廕一子持揮賜祭葬立祠照沈毅有謀善用入得其

死力于前之後刺盡忠報國各四字每出戰輒  
付家人以復事故所向無敵虜中咸以楊太師呼  
之照既亡雖深山窮谷婦女老稚無不悲思者兵  
部尚書楊博疏照驍雄宿望統馭長材即其數月  
之間功成三捷挽詩二章

勒石榻以示九邊諸將

**王治道** 廣寧右屯衛人智勇過人弱冠有吞胡志  
曠巨盜陞遼東遊擊將軍選寧前參將再移燕河  
營參將多戰功陞遼陽副總兵都督僉事鎮守遼  
東戰韭菜園白雲山黃佃子鱗場蓮花山等處並  
建功丁亥以花桑峪捷進都督同知錫以金幣與  
午虜乘間寇錦州與參將郎得功逐之虜佯敗至  
流水堡治道自率精騎追之虜伏兵起治道令將  
士各死戰力不支死之 事 聞贈少保左都督謚  
忠愍廕一子都督同知諭祭立祠翰林院編脩申  
時行志其墓  
祀表忠祠

**線補袞** 寧遠備指揮陞前屯備禦捐貲養士三十  
餘人誓與破虜侍郎葛縉薦陞廣寧遊擊

嘉靖癸亥秋隨總兵楊照搗虜巢于嶺夷境外照  
陣亡補袞効在速中冬從擊撫順率家丁斬虜二  
十級甲子春巡撫王之誥論薦其材擢寧前參將  
即任一日虜入犯沙河補袞率兵追及黃州臺斬  
酋首塔明王聾惠等數人虜伏兵四起補袞退負  
圮臺與戰虜四面攻之衆寡不敵面中二矢一鏃  
貫中悶絕復甦旬日而死巡按御史李輔題  
請出格褒恤 記贈都督僉事陞三級世襲立祠致祭  
仍 命給銀四十  
兩為棺斂之資

**王相** 東寧衛指揮備禦前屯嘉靖壬子北虜入犯  
興營堡相率兵馬僅四百攻圍數萬至沙河

驛鏖戰二晝夜援兵不至矢盡而死 事 聞贈都  
督同知 廕一子正千戶 賜祭塋謚忠烈

**耿賢** 定遼前衛人功陞都指揮僉事備禦金復鐵  
嶺掌都司印尋守備寧遠隨轉參將分守開  
原善撫士卒不妄交際致仕歸時所屬餽金二千  
不受軍士感泣護送至家時巡撫馬中錫嘆曰非  
獨吾輩不如雖古人亦難卒堽城  
東杏林山下今祀遼陽鄉賢祠

賈冕

廣寧武舉指揮陞中路遊擊嘉靖己未冬北虜犯遼陽冕領兵策應遇賊對敵前後斬賊

十餘人力乏而亡

贈都督僉事諡忠壯陰一子試百戶 賜祭葬立祠

黑春

廣寧衛指揮其先建州衛人以戰功歷陞都指揮克廣寧遊擊陞寧遠參將轉遼陽副總兵斬虜李董剛五百餘級嘉靖癸亥五月賊犯險山追至媳婦山與虜遇援不至被執磔其屍遼人以春能格虜靖邊戰沒莫不含哀巡按御史王得春作黑副帥祠以悲其死 贈都督同知諡忠勇祭葬立祠陰一子正千戶

長子雲龍加陞都指揮使

郎傑

廣寧衛達官指揮遇賊血戰於花兒營陣亡子弟郎賓郎寶郎得臣郎得君郎得忠郎山郎秀郎三漢郎景郎恩郎用郎松相繼陣亡各婦俱守夫節兵部侍郎葛縉視邊奏 聞旌表

張斌

定遼前衛正千戶嘉靖己亥廣寧兵變斌奮勇先登擊叛逆事 聞陞二級撫按為立祠

名曰忠毅

楊維藩

前屯衛人部督楊鎮次子隨父屢經戰陣以功歷陞指揮僉事擢三河守備改遼東長勇堡備禦防禦有畧虜不敢窺邊嘉靖甲子擢廣寧鎮武堡遊擊乙丑五月九日虜三千餘騎犯鎮武維藩兵不滿千盟戰于蓮子湖臺手刃數賊虜憤擊面中三刀剗其左目剗其手指援至藩已死矣 贈都督僉事陞世襲三級立祠致祭仍

命給銀四十兩

郭都

廣寧衛人指揮使歷任宣府協守副總兵嘉靖癸丑北虜入犯淘沙堡都力戰而死事

聞贈左都督諡忠愍陰一子指揮僉事 賜祭葬立祠

蔣承勳

見蔣鎮祀表忠祠

趙傾葵

見蔣鎮祀表忠祠

韓懋功

定遼中衛指揮任海州備禦嘉靖三十八年三月虜寇西平堡與賊對敵陣亡祀表

忠祠

張景福 廣寧左屯衛指揮任寧遠備禦嘉靖三十年間遇賊犯屬下臺堡地方福率兵堵截首先士卒幸賊績至甚衆福親血戰援兵不至力竭死之祀表忠祠

郎得功 廣寧衛人驍勇善騎射起自行伍累立軍功歷陞都指揮僉事任清河守備轉鎮武

堡遊擊陞錦義叅將每遇虜輒勝未嘗敗隆慶四年九月隨總兵官王治道追賊至流水堡虜佯止

得功率驍騎急擊遇伏兵突起功躍馬大呼揮刀斫出虜營忽不見總兵又揮刀斫入虜營手刃數

賊力屈死之事 聞贈都督同知謚忠壯廕一子正千戶祭葬與治道同祀表忠祠

效祖曰兵凶器戰危事將死官是節義之在邊庭

為第一義故主帥能死偏裨偏裨能死士卒猶身

之使臂臂之使指故士卒欲死則偏裨與俱偏裨

欲死則主帥與俱斯制勝之道也乃今之死者未

不其然主帥駢首而偏裨傍睨偏裨陷陣而士卒

四躡甚者結隊聯營不敢出一矢而嚴殺棄生者

間得於都鄙荷甬之獨夫是可令其功沒無聞已

乎嗟乎其不幸而無聞者亦衆矣

四鎮三關誌卷之九終

四鎮三關誌卷之十

夷部考

四鎮夷部總論

效祖曰夫中國之必有夷狄與夷狄之必不忘窺中國振古已如茲矣乃昔人謂禦戎無上策其然豈其然乎我

國家定鼎燕畿北鄰沙漠自以大寧界三衛而封疆之險與虜共之馴至於今冥火薄天司馬門衡石接羽書而邊事漸不可支矣故當事者足兵足食議戰議守迄無寧歲然未聞犁庭掃穴而勒燕然



四鎮三關誌卷之十

夷部考

四鎮夷部總論

效祖曰夫中國之必有夷狄與夷狄之必不忘窺中國振古已如茲矣乃昔人謂禦戎無上策其然豈其然乎我

國家定鼎燕畿北鄰沙漠自以大寧界三衛而封疆之險與虜共之馴至於今冥火薄天司馬門衡石接羽書而邊事漸不可支矣故當事者足兵足食議戰議守迄無寧歲然未聞犁庭掃穴而勒燕然

之石者即不然或固我障塞明我烽燧使胡馬不  
馳逐中原地不可乎然今皆未之能也則其謂靈  
脩之世何嗟乎冒頓之勁不能當漢謀之強頡利  
之雄不能當唐畫之競顧圖治者炯戒何如耳今  
以北虜諸部落詳其世系而屬夷附之再紀其頻  
年入犯之自俾司邊者為鏡觀焉作夷部考

# 夷部

屬夷

附入貢

兀良哈

其地東接海西西連開平北抵北海南近薊遼其  
先本北狄之東胡漢初為烏桓地匈奴冒頓滅其  
國餘衆保烏桓山武帝遣霍去病擊破匈奴左地  
因徙烏桓於上谷漁陽左北平遼東五郡塞外偵  
察匈奴自是種類漸強靈帝初上谷有難樓遼西  
有丘力居遼東有蘇僕延右北平有烏延皆自稱  
王建安中曹操征烏桓大破俘獲二十餘萬衆餘